

羅天大醮晚朝科

各禮師存念如法

五星高耀 瑞氣虛浮 元始集神 天地交周
玉符寶印 嘯命微幽 擲火揚威 奸兇無留
萬魔振伏 紛葩却消 摧怪伐惡 道炁同流
神光照夜 陰翳俱收 萬神降格 扇景飛騰
群生咸速 惠遍神州

鳴法鼓二十四通

無上三天玄元始三炁太上老君召出自身
中三五功曹左右官使者左右捧香金童傳
言散花玉女五帝直符直日香官使者各三
十六人出出者嚴裝顯服冠帶垂纓開啓玄
壇土地方域神真臣今晚朝陞壇行道朝謁
帝真護奏為入意其諸誠意具載臧騰願得
太上至真道炁靈寶瑞光下降流入臣等身
中今且所啓之誠連達徑御主
至真無極大道
三清上聖
昊天至尊金闕玉皇上帝御前
請稱法位

其位與臨壇官眾等謹同誠上啓

虛無自然元始天尊無極大道太上道君太
上老君高上玉皇十方已得道大聖眾至真
諸君丈人三十二天帝君玉虛上帝玉帝大
帝東華南極西靈北真玄都玉京金闕七寶
瓊臺紫微上宮靈寶至真明皇道君三十六
部尊經玄中大法師上相上宰上傳上保上
平下教二十四真人西城總真王君太乙真
人東嶽上卿司命茅君定錄保命二真人名
山洞府得道神仙三界官屬一切真靈恭望
洪慈洞回昭鑒伏念且謬因夙慶早謝塵緣
得奉
上玄獲森玄律故每省循而知幸嘗思勉勵
以宣勤凡有告祈不容抑塞齋誠既切詞意
庸伸仰冀玄德洞回真聽

宣詞

具如詞言灼見誠心冒瀆

玄慈益深祇畏臣開洞戶三三啟瓊門於帝
闕天闕九九闕玉宇於宸京視不見而聽不
聞瞻彌高而察彌遠超出名言之外莫究微

芒不拘形器之間難窺香馥靜應下生於漢
世玄元屢降於蜀郡秘演真經密傳妙旨青
宮紫府邈矣開津黃道形埒豁然通書鑿齋
莊而既嚮一誠意以交孚感倏忽變化之神
若俯仰屈伸之速於是金闕啓鑰玉女飛函
親謁

帝尊敬陳詞表上以消於災變下以度於生
靈善率咸遵幽冥是賴齋官其伏念身居蒙
壤志在道階奉戒持齋命羽衣而宣敷經教
謝懋引欽尊

師寶而開設壇場存思而升炁朝天俯伏而
飛神謁帝時感紫光龍月金華浮瑞霽之馨
丹焰藏星玉篆絢祥雲之彩萬籟道聲於洞
壑羣飛欽翼於山林鐘磬齊敲與空歌而流
響坎離然運周內景以發輝三界齊臨五輪
偕度以今靜夜行道請法眾等運茲初捨上
香

願此香煙騰空徑上
三清之境且等皈身皈神皈命首體投地仰
依

太上三尊以是捨香功德上祝
當今皇帝伏願睿文星煥神武龍驤明燭四方誕布

帝王之德坐觀羣動適當天地之心車同軌而書同文三邊寧靜韶蓋善而武盡美四海和平風行草靡而化無不成魚躍鸞飛而人皆自得今故燒香自皈依

道尊大聖眾至真之德得道之後保天長存以今靜夜行道請法眾等運茲二捨上香願此香煙騰空徑上
三清之境 且等皈身皈神皈命首體投地仰依

太上三尊以是捨香功德歸流齋官共三代宗親眷屬魂誠伏願愆消愆海罪滅愛河三報豁除八垢不留於心地六根灑落五神皆得於性天煉形於流火之庭育德於童初之府乘雲馭氣遊宴仙都出陰入陽道遠聖世今故燒香自皈依
經專大聖眾至真之德得道之後昇入無形以今靜夜行道請法眾等運茲三捨上香

願此香煙騰空徑上
三清之境 且等皈身皈神皈命首體投地仰依

太上三尊以是捨香功德伏為齋官共誠存一念願設羅天謝過消災祈恩請福伏願金書紀善玉簡刊名帝與其齡年彌高而德彌劭神介之福老者安而少者康習學宜修於之內度傳聞里之間家用予康習學宜修於齋祿人懷信義循行可製於替縷萬事咸亨

千災永珍今故燒香自皈依
師尊大聖眾至真之德得道之後與道合真

唱方
懺悔
命魔
三啓頌
三禮
重稱法位
具位共與臨壇官眾等謹同誠上啓
三清至尊十方上聖玉京金闕天帝天真十

方師尊也眾三界官屬一切威靈
且聞一以無為得天人之首要靜而觀復見道德之純全合洪光而遠矣難名微妙玄通而深不可識離乎形器與物無疵要其始終與道相保且等持心弗惠立志非堅窮恍

惚而莫見其端窺微妙而或卒其度雖欲抱貴而回紫豈能通真以達靈徒負職名隘行科教齋官共浴身沐髮備禮陳儀欲款天階爰修道範五方雲篆用收魔而束妖三級靈場敬瞻天而望聖鳳燭搖紅而絢彩龍煙散景以流馨高敞八門弘宣九籥伏惟

瑤京帝闕瓊苑仙都至聖元尊羣司列職九色煥飛空之駕五明浮步景之壇神動天隨揭生源之大柄及飛煙滅掃罪籍之繁文一慶所資無所不度上願

皇圖丕衍帝業恢弘梯山航海而入貢無違外狄邊夷而朝宗不遜次異齋官天鈞錫祉道運儲祿祖考來寧叶詩人之雅詠神祇順相利君子之謙光綿綿丕緒以隆昌奕奕徽聲而振作門全忠孝代繼替縷永却逆充茂

肩復簡先亡受度近逝超生或繫三塗高輪
五苦乘齋功而解脫不溺報緣准符命以化
生克膺福果暨幽冥之未度借翊衛之有勞
允賴恩光俱超品秩則上明

天尊大慈之澤下副臣等敝命之誠謹啓以

聞

發願

一願靈光下燭

三願恩宣九地

五願真靈具會

七願天堂開敞

九願玄功普被

十一願普天懷德

後爐

存神燒香

香官使者左右龍虎君侍香諸靈官當今
向來晚朝隆壇行道之所自然生金液丹碧
芝英百靈聚真交會在此香火爐前當願十
方仙童玉女接待蘭庭傳向來所奏之誠
速達徑上

至真無極大道

三清上聖

昊天至尊金闕玉皇上帝御前

羅天大醮晚朝科

正一天師清微弟子 洪百堅 製作

道教學術資訊網站

羅天大醮設醮儀

各禮師存念如法

宣衛靈呪

東方

九炁青天 明星大神 煥照東鄉 洞映九門

轉燭陽光 掃穢除氛 開明童子 號曰玄卿

備衛我軒 上對帝君 收魔束放 討捕光羣

奉承正道 亦書玉文 九天符命 攝龍驛傳

昔天安鎮 我得飛仙

南方

三炁丹天 煥景流光 熒星轉燭 洞照太陽

上有赤精 合契虛皇 開明童子 號曰華房

總御火兵 備守玉堂 斬邪束妖 剪截魔王

北帝所承 風火衝當 流鈴交煥 翊衛壇場

正炁流行 敢有已狂 我享上功 坐運魁罡

德劫長存 保天無疆

西方

七炁素天 太白流精 光耀金門 洞朗太冥

中有素皇 號曰帝靈 保神安鎮 衛我身形

斷絕邪源 玉道正明 宮殿整肅 三景齊并